



NANGUNGUNANG LINGGUHANG MAGASING PANTAHANAN SA BANSA

# LIWAYWAY

Enero 28, 2019

## KUWENTO NG LINGGO JUANCHO JUANITO: TINEDYER

NI PAT V. VILLAFUERTE

## BAGONG MANUNULAT MGA KALAPATING PAPEL

NI DOMINIC DAYA

**TULA**  
**KANBAS NG DAHAS**  
NI FRANCISCO A. MONTESEÑA

# Pauline MENDOZA



P25

# MGA NILALAMAN

f I-like kami sa aming facebook page: [www.facebook.com/liwayway.magazine](http://www.facebook.com/liwayway.magazine)

### NOBELA

- 6 **Kung Dumating Ang Pag-ibig (15)**  
*Efren Abueg*
- 9 **Paano Maabot Ang Langit (18)**  
*Neri Jedeliz*
- 12 **Higit Na Matibay (7)**  
*Armando T. Javier*

### KUWENTO

- 4 **Juancho Juanito: Tinedyer**  
*Pat V. Villafuerte*
- 14 **Mga Kalapating Papel**  
*Dominic Daya*

### KUWENTONG PAMBATA

- 16 **Mahiwagang Yeso**  
*KC Daniel Concepcion*

### LATHALAIN

- 18 **Paano Ire-reinvent Ang Sarili?**  
*Chad Faller*
- 20 **Kailan Dapat Hindi Magbiro**  
*Lilia Bortongan-Alvarez*

### KOMIKS

- 27 **Sa Mundong Iyon... (19)**  
*Perry C. Mangliaya / Donato Santos*
- 30 **Enteng Anting (70)**  
*Armando T. Javier / Rod Lofamia*
- 33 **Ako At Ako Lamang (40)**  
*Elena M. Patron-Delos Angeles / Rico Rival*
- 38 **Doro Dora**  
*William Contreras*

### TULA

- 40 **Kanbas Ng Dahas**  
*Francisco A. Monteseña*

### KOLUM

### 21 Haraya

*Dr. Michael M. Coroza*

### 22 Agrikultura

*Zac B. Sarian*

### 36 Magluto Tayo

*Mareng Lena*

### 36 Balik-Tanaw Sa Kasaysayan

*Boy A. Silverio*

### SHOWBIZ

### 24 Pauline Mendoza, Magkakaroon Ng Ka-Love Team Sa Cain At Abel

*Nonie V. Nicasio*

### 25 Rayantha Leigh, Nagbubunga Na Ang Mga Pagsisikap

*Maricris V. Nicasio*

### LIBANGAN

### 37 Pag-Usapan Natin!

*Kuya Sam*

### 37 Astrolohiya

*Madame Sharona*

### 38 Palaisipan


*Jose Marie Gallego*

### 38 Math Puzzle

*Rosemarie Adaya*

### 38 Magtawanan Tayo!

*Chad Faller*



40

6

16





Mula sa Google

## Kailan dapat hindi magbiro?

NI LILIA BORLONGAN-ALVAREZ

**K**AMAKAILA'Y sumakay kami ng *taxi* ng aking ina para patungon siya sa ospital sa may Taft Avenue. May isang paunawang nakasabit sa likuran ng *passenger seat* na katabi ng tsiper: "This is a dollar taxi..." Kaya, nagtanong ako sa tsiper kung ang tinatanggap niyang bayad ay sa dolyar lamang at hindi pesos. Kagyat niyang sinabi sa akin nang hindi siya ngumingiti: "Ay dollar po ang ibabayad n'yo!" Pero sinabi niya agad: "Hindi, joke lang ho." Kaya sinagot ko siya na huwag siyang magbibiro nang gayon sa mga pasahero.

Bagama't mahalaga ang *sense of humor* ng isang tao, totoong nakawawala ng gitnang makipag-usap sa isang taong seryoso sa kanyang mga salita ngunit pagkatapos ay sasabihin niyang magbibiro lang siya! Unang-una, hindi ito propesyonal at hindi rin nakatutuwag.

Kailan ba dapat hindi magbiro? Alam nating lahat ang kasabhang "magbiro ka na sa lasang huwag lang sa bagong gising" (lalo na kung ang bagong gising ay laging mainit ang ulo kahit sa mga oras na siya'y gising!). Bakit? Sapaangkat sa pangkalahatan, ang disposisyon ng karamihan ay mas masarap matulog kaysa gumising o gisingin.

Hindi rin tayo dapat magbiro sa isang namatayan kung tayo'y dadalo sa burol o libing ng isang kakilala o kaibigan. Sa katunayan, walang kailangang sabihin ang isang nakikiramay sa isang nauili.

Gayon din dapat ang asal ng isang tao kung siya'y nakikiramay sa isang nasunugan o ninakawan. Hindi matuwaga

ang isang nasunugan kung bibiruin siya ng ganito: "Gusto mo bang sunugin na lang nating lahat ang natira ninyong gamit para hindi na sumama ang loob n'yo?" Kung ako ang biniro ng gayon, baka hagnosis ko siya ng batyang yero!

Paano natin ngayon sasanayan ang sarili sa hindi magbiro kung hindi naman ito hinihingi ng pagkakataon? Narito ang ilang praktikal na tips:

**Ilagay ang sarili sa katayuan ng iba.** Isipin ang kalagayan ng isang nasunugan, nilooban, ninakawan at isang dumaraan sa mabigat na krisis o pagsubok. Isapuso ang *Golden Rule*: gawin mo sa iba ang ibig mong gawin ng iba sa iyo.

**Kung makikipag-usap sa isang bagong kakilala, hindi magandang ugali ang "undue familiarity"** na purang matagal na ninyong kaibigan ang kausap. Hindi kasama sa magandang *human relations* ang magbiro na gagamit ng *strawman* o mga salitang may halong kabastusan o kawalan ng pitagan.

**Lakipin ang bawat pagbibiro ng *civility* o diplomasya.** Huwag isipin ang bawat biro ay kailangang makasakit ng damdamin para matawa ang kausap o mga taong nakapaligid. Hindi ba't alam natin kung ang mga pagpaputawa ng isang *stand-up comic* ay "below the belt"?

Maging maingat sa inyong biribitwag salita (lalo na sa mga pagtitipon). Sapaangkat, sa oras na may sabihin tayong birong sa palagay nati'y nakatatawa ngunit masakit para sa mga kausap, hindi na ito mababawi, kahit na ang pagpapauumanhin ang ating gawin. ☐



**HARAYA**

NI DR. MICHAEL M. COROZA

## BAGA: Mga Piling Tula mula sa LIRA Fellows 2018

(IKATLONG LABAS)

**T**UNGHAYAN naman natin ngayon ang birtud ng siste sa tulang "Sa Pag-uwi" ni Genesis Roy Historillo sa pahina 39 ng *Baga*. Isang nakatutuwag pagsasalaysay ito ng persona tungkol sa minsang pag-uwi niya kasama ang kaniyang kasintahan. Nakasakay sila sa bus. Sa bawat pagsapit sa tiyak na lugar na babalan ng mga pasahero, may mga pasulóng na kilos na indikasyon ng pagmamahal/paglalambingan ng dalawa — magkasandal sa may kamuning, magkahawak-kamay pagdating sa Cubao, magkayakap pagsapit sa may Star Mall, at balikang pagdating sa babalan. Habang papalapit nang papalapit sila sa lugar na babalaan ng kaniyang sinta, patindi nang patindi naman ang pagkabagabag ng persona. Magkaiba sila ng lugar na babalaan. Sa unang tingin, mahuhusgahang masyadong OA ang masihing pagkabagabag na dulot ng magaganap na paghihiwalay. Maitatamong kung bakit hindi na lamang samahang bumaba ng persona ang kasintahan? Bakit kaya hindi na lamang niya itatid ito hanggang sa bahay? Narito ang buong tula:

**Sa Pag-uwi  
ni Genesis Roy Historillo**

Antok ang sumundo sa 'tin sa Trinoma,  
Nakapikit ka na doon sa cinema.  
Paglalatag ng dilim noon sa kalsada,  
Napuno ng talá ang haba ng EDSA.

Nakapiling kita nang matagal-tagal.  
Mula sa Kamuning, tayo'y magkasandal;  
Magkahawak-kamay pagdating sa Cubao,  
Hanggang sa Ortigas, di tayo nagbitaw.

At pagsapit sa Shaw, init ang hinanap,  
Kaya sa may Star Mall, tayo'y magkayakap.  
Pagdaan sa Boni, ako'y nabagabag.  
Dahil babalan mo'y sunod nang tinawag.

Sana'y masiraan itong bus sa daan,  
Magka-rally bigla't bumuhos ang ulan.  
Nang ang ating sandali'y mapahaba naman  
Ngunit paalam na nang ikaw ay hagkan.

Paghinto sa Guada, ang puso'y nasawi  
Sa iyong pagbaba, tigib ng pighati;  
Kung mister mo lamang ay umalis muli,  
Naku! Diyan ako tiyak na umuwi.

Isang di-inaasahang malakas na sapak ang bisá ng paghubunyang ng dahilan sa huling saknong. Bawal na pag-ibig pala ang mayroon sila. May asawa na pala, at tila isang OFW, ang kasintahan ng persona. Hindi man isinalaysay, lumilitaw, kapag wala ang mister ng kasintahan, doon siya umuwi sa bahay ng mag-asawa. Nakatatawa, ngunit karumal-dumal. Nakakalalaki ang persona. Nagtiataksi ang kaniyang kasintahan sa asawa nito. Iniputan sa ulo ang kawawang OFW.

Walang anumang mapapala sa tulang ito ang isang guro ng panitlan na ang tangang alam na paraan sa pagpapahalaga sa tula ay "pagbaharap ng aral." Kailangan ang matias na kasayanan sa pagkilala ng parikala upang makaabot ang pag-arawa sa mga kontekstong suliraning panlipunan na di-tuwing inilalantad at sinusunod ng tula. Hindi ito tungkol lamang sa isang taksil na

romansa o pagmamahal. Maaaring maging lumsaran ang tula sa paglalakay ng mga suliraning kinakaharap ng maraming Filipino na namamasukan sa ibang bansa para may ikabuhay ang kanilang mga pamilya. Nagiging lapitin ng tukso ang mga naiwan sa hindi matinding pangungulila sa asawang nangibang-bayan.

Dahil isinalaysay sa punto de bista ng nanukso — ahas na tumuklaw sa asawang naiwan sa pangungulila, bigat na naging nakaliligalig ang tula. Ang persona, na sa simula ay mapag-uukulan ng mambabasa ng awa at simpatiya dahil sa pagkabagabag na dulot ng paghihiwalay nilang magkasintahan, ang siya palang dapat kamuhian. Sa mabisang paghahanay ng sunod-sunod na eksena nilang magkasintahan sa loob ng bus, natalangay ang mambabasa sa tamis at kiliti ng pagganap na romansa. Ngunit, tila bombang sumabog ang katobthanan ng mapatindag na pagsasalaysay sa huling dalawang taludtod ng ikalimang saknong: "Kung mister mo lamang ay umalis muli, / Naku! Diyan ako tiyak na umuwi."

Mas sahol sa dinatrag "sumakabilang-buhay na asawa" ng lalaking nagkaingin sa ibang bayan sa tulang "Ang Pagbabalik" ni Jose Corazon de Jesus noong 1924 ang nangyaring "pagsakabilang-kandungan" ng asawa sa tulang ito. Parang "wala lang" ang kataksilan sa pagkakaalaysay ng persona ng tula. At ito ang lalong malaking suliraning hindi inuhayang ngunit ibimbunyang ng tula kawalan ng moral na pamantayan, pagkamalay ng malinaw na panuntoning ng mabuti at masama. Sa lipunang palaging sinasalanta ng mga suliraning gaya ng kawalan ng hanapbuhay pati na ng mga rali, pagbuhos ng ulan, at ng di-masuluyonang trapiko sa EDSA, wala nang malasakit o kahit simpleng pakialam man lamang ang tao sa pagdurusa ng kaniyang kapuwa. Tanging ang kabiguan na makamit ang inaasam na ligaya ang ikanababagabag ng persona. Nagmistulang kontrabida pa sa kaniya ang hindi pag-alis ng mister ng kaniyang kasintahan. Sa kaniyang pagsasalaysay, napagmukha pa niyang masama at sanhi ng pagkaunsiyami ng kaniyang romansa ang "mister" na kung tutuusin ay siyang tunay na biktima. Ito ang malinaw na birtud ng parikala sa pagtula.

Mahalagang pahahalagan pa sa tulang ito ni Historillo ang paggamit ng tugma at sukat na hindi pilit o nakaasawa. Muli, tulad ng napagtagumpayan ni Buensalida, nagamit ang paloob na tingit at magpapatayang himig na bigat na bumabagay sa sitwasyong kontemporaryo kaya nailayo sa pagiging naghuhimayw na talumpati sa ilang ang tula. Naiakma ang saknong na may apat na taludtod at sukat na lababindalawahin ang kalkaladong paglalatag ng magkakasunod na mga pangyayari. Sabihin pa, nakatulong nang malaki sa pagtatanghal ng siste ang nasa antas tudlikang isahang tugma sa lahat balos ng saknong — langing ang "cinema" sa unang saknong ang hindi tumugon sa kahinginan ng tugmang tudlikang dahil mabilis ang bigkas nito samantalang ang ibang mga salitang pantugma ay malumay — Trinoma, kalsada, EDSA. Ang pag-uulit-ulit ng mga tunog ay may bisang rakalilika ng mga inaasahan. Ang pagsapit ng inaasahang (tunog) ay may bisang katuparan. Parsinin, sa unang apat na saknong ng tula ay tanging a ang namayaning tunog sa dulong pantig ng mga salitang pantugma — a na walang impit ang tugma sa una, mahinang katig na a ang kasamang pantig ang tugma sa ikalawa, malakas na katig na a ang kasamang pantig ang tugma sa ikatlo, at mahinang katig muli na a ang kasamang pantig ang tugma sa ikaapat. Sa ikalimang saknong lamang naiba ang pantig sa mga salitang pantugma — naging I na may impit. Binasang rito ang inaasahang tuloy-tuloy na tunog (ng romansa) kung panonog sa saknong na ito rin nabunyang ang di-inaasahang dahilan ng "paghihiwalay" ng magkasintahan. Maiman na halimbawa ito ng kaisahan ng anyo at nilalaman sa pagtula.

Siguradoang marami pang mainam na tulang malilikha ang mga makatang nagtapos sa Paliang LIRA 2018. Simula pa lamang ang paglabas ng kanilang koleksiyong *Baga* ng kanilang maalab na pakikipagpugni sa tula/pagtula. Pagbati ang iniuukol ng pitak na ito sa karula, at harinawang kanihan sila ng lahat ng nabuting puwersa sa pananalitad at pananalinhaga.

(Maaaring makipag-ugnayan sa [batchbaga2018@gmail.com](mailto:batchbaga2018@gmail.com) ang sinumang ibig bumili ng aklat antolohiya ng *tulang Baga*.) ☐



# Pauline Mendoza,

## magkakaroon ng ka-love team sa Cain at Abel

NI NONIE V. NICASIO

**P**ATULOY sa pagkinang ang *showbiz career* ng Kapuso *young actress* na si Pauline Mendoza. Sa kalatapos lang na 2018, maraming oportunidad at magagandang bagay ang rangyari sa kanya na nakatulong para mas matuto siya sa buhay at sa kanyang *showbiz career*.

Para kay Pauline, magkahalo ang pakiramdam niya sa nagtapos na taon. Ihinalintulad niya ito sa isang roller coaster ride, na maraming pumasok din na problema. Halo-halo raw ang ihinatid sa kanya ng taong 2018, may positibo at may negatibo rin, ngunit sa kabila nito ay marami pa rin daw siyang dapat ipagpasalamat.

Pahayag ni Pauline, "It's like a roller coaster ride, pero masaya po. Nag-boom ang career ko lalo na noong pumasok ang Kambal Karibal. Tapos na-nominate rin po ako."

Sa ngayon ay napapanood si Pau (nickname ni Pauline) sa teleseryeng *Cain at Abel* na pinagbibidahan nina Dingdong Dantes at Dennis Trillo.

Sa naturang Kapuso teleserye ay gumaganap si Pauline bilang si Pat, kapatid ni Sanya Lopez at anak nina Shyr Valdez at Leandro Baldemor.

Nabanggit din ni Pau na may mangyayari sa karakter niya sa kanilang teleserye.

Magkakaroon kasi siya ng *love interest* dito sa katauhan ni Vince Vandorpe na gaganap bilang si Rafael.

Pahabol pa niya na hindi man sila sumabak sa *workshop* na magkasama para sa kanilang karakter dito, sa *set* na raw mismo ginawa para maging pamilyar sila sa isa't isa ni Vince. Dito ay binigyan sila ng *acting coach*. Sinasabihan din sila na kailangan nilang mag-*build* ng *relationship* dahil *first time* pa lang nilang magkatabaho ng aktor.

Kaya asahan ng mga sukling manonood ng Cain at Abel na may hatid na pampakilang ang *lunden* nila rito ni Vince.

Ayon pa kay Pauline, masaya sila sa *set* ng seryeng ito dahil naging *close* na sila ng mga kasamahan niya. Kapag *lunch* or *dinner* ay sabay-sabay silang kumakain sa *set*. At ang mga kasama niya ay parang *one big happy family* ang turingan nila sa isa't isa.

Hinggil naman kina Dingdong at Dennis, pinuri ni Pau ang mga pangunahing tauhan ng mga kasamahan teleserye.

"Si Kuya Dennis sobrang galing na aktor, kagaya din ni Kuya Dong. Talagang seryoso sila sa trabaho, *as in*, makikita mo talaga sa kanila 'yung pagmamahal nila talaga sa trabaho nila.

"Si Kuya Dong 'yung madalas naming nakakaeksena, kasi sa *role* namin, siya 'yung tumutulong kaya madalas siya 'yung nakakatabaho namin. Mabait po si Kuya Dong,



Larawang kuha ni Wilson Fernandez

pati rin si Kuya Dennis. Seryoso talaga sila sa trabaho. 'Tsaka tulungan po kami talaga,'" saad pa niya.

Idinagdag pa ni Pauline na masaya siyang makatrabaho ulit ang misier ni Marian Rivera na una niyang nakatrabaho sa dating TV series na *Alyas Kobithood*.

Ayon pa sa dalaga, umaasa siyang sa pagpasok ng bagong taon ay mas magkakaroon pa siya ng mas maraming projects.

Nabanggit din niya na dapat daw ay mayroon siyang gagawing pelikula *last year*, pero hindi raw bumagay ang *role* na natoka sa kanya, kasi ay parang masyadong *matched* iyong kailangan niyang gawin. Kaya hindi siya natuley sa *first ever movie* niya dapat.

Pero, *hopeful* si Pau na ngayong taon ay magkakaroon na siya ng pagkakataon na sumabak sa paggawa ng pelikula.

"*Hopefully* po, etong taon na ito ay makakagawa na rin ako ng pelikula," masayang pahayag pa ng aktris. **I**

# Rayantha Leigh,

## nagbubunga na ang mga pagsisikap

NI MARICRIS VALDEZ-NICASIO

**E**XCITED na ang *young recording artist* na si Rayantha Leigh sa mga mangyayari sa kanyang *career* para sa taong ito.

Una na rito ang bagong *single* niya na pinamagatang Puro Papogi na lalabas ngayong January. Bale ito na ang ikalalong *digital single* ng *singer/aktres*. Ang unang *single* niya ay *Nahuhulog* *composed by* Gala Sanchez at sinundan ito ng *Laging Ikaw* *composed by* Kedy Sanchez.

After ng *new single* ni Rayantha, *early this year* lalabas na ang CD album niya.

"Ila-*launch* na po ang aking album *this year*. Sana po ay magastuhan din ito ng karamihan tulad ng aking nakaraang *single*. Ang *title* po nito ay Puro Papogi, ito po ay parang may nagkakagusto sa akin na puro siya papogi pero ang gusto ko pong makilala ang tunay na siya," saad ni Rayantha sa bagong *single* niya *under* Ivory Music na komposisyon ni Kedy Sanchez.

Ang album niya ay may *eight songs*, tatlo sa kanta rito ay *compose* ni Kedy, ang isa ay nilikha ni Elmer Blancaflor, ang isa ay *compose* naman ni Gala Sanchez, at tatlo ang kantang isinulat ni Alrey Zamora.

Marami siyang dapat ipagpasalamat *last year*, kabilang dito ang pagkapanalo niya sa PMPC bilang Star Awards for Music's New Female Recording Artist of the Year (Laging Ikaw-Ivory Music and Video, Inc). Pati na ang pagiging bahagi ng *youth oriented TV show* na Bee Happy Go Lucky.

Ngayong taon, bukod sa bagong *endorsement* ng *perfume*, sa February 17 ay kasama si Rayantha sa *big event* sa Taytay Town Fiesta. Isa siya sa magtatanghal sa *Taytay Mayor's night*. Magkakaroon din ng *concert* si Rayantha sa Tokyo, Japan *this year* at makakasama niya rito DJ Airene.

Nabanggit pa ng *young singer* na magsisimula na ang

## Higit Na Matibay

(Mula sa pahina 13)

"Okey lang. Next time na lang."

"Sige. Text-text na lang..."

Nakipagpisanan siya ng kamay kay Nets at walang lingon-likod na naglakad palabas. Napasipol siya. Muntik na! Sinalat niya ang kanyang labi, parang nararamdaman pa niya ang lambot ng labi ni Nets. Naglalakad siya'y para siyang lumulutang sa hangin; pakiramdam niya'y lalaking-lalaki siya.

MAY kababaan na nga ang buhok ni Aling Maring nang pagdadayain niya kinabukasan nang hapon. Ginupitan ni Janno sa dating gupit nito na hanggang batok, tinira rin ng *light brown*.

"Bakit hindi ka na lang magsarili?" sabi sa kanya ni Aling Maring habang tintina niya ang buhok. "Kung makakakuha ka ng regular na kostumer, sa *home service* pa lang e kikita ka na."

"Hindi pa ho ganon ng kadaming nalalaman ko sa paggugupit. Baka pumalpak ako, nakakahiya ho." Tsaka, nakakahiya rin kay Aling Lydia kung magyasari ako, baka isiping wala akong utang na loob."

"Sabagay. Mabuti na rin 'yung may pisagkakakitaan ka. Pagbutihin mo, iho. Ang trabaho, pag minahal mo, mamahalin ka rin. Pag-aralan mo ang lahat ng dapat mong matutunan sa paggugupit at pagpapaganda, dagdagan mo pa. P'wede ngang 'yan na rin ang maging karera mo at hanapbuhay..."

Na hanggang ngayon ay nananahip pa rin si Aling Maring at pinagkakakitaan ang kasayanan, naisip ni Janno na may katwiran ang iyahin ni Jonna.

tyahin ni Nets sa halip na sagutin. Inihatid siya ni Nets sa eskinita.

"Pasens'ya ka na sa tita ko, masungit talaga 'yon."



Larawang kuha ni Wilson Fernandez

season-2 ng kanilang *show* na Bee Happy Go Lucky at na-*return* siya rito as *host*. Sa IBC 13 na ito eere.

Mapapanood din siya sa pelikulang Unang Yugto bilang si Fairy Alona. Ito ay mula sa pamamahala ni Direk Meises Lapid. Tampok dito sina Lotlot De Leon, Martin Escudero, Kikay Mikay, at marami pang iba.

Ipirahayag pa niya ang kasiyahan dahil sa magandang takbo ng kanyang *career*. "Masaya po ako sa takbo ng *career* ko dahil ngayon po ay nakikita ko na siyang nag-i-*improve*, kumpara dati noong nag-umpisa pa lang po ako," nakatingit sambit pa ni Rayantha na idinagdag pang sisikapin niyang maging *successful* para maging *proud* ang kanyang *parents* na sira Ricky at Lanie. **I**

"Mabuti ka pa, kahit pa'ne me direks'yon ang buhay mo. Di tulad n'yung kaibigan mo, pinapapasok ko'y ayaw namang pumasok. Hindi malaman kung ano'ng gusto..."

Nilingon ni Janno si Jonna na nasa salas at abala sa paglalaro ng PSP.

"Baka ho nagpapahinga lang. Maiisip din n'ya kung ano'ng gusto n'yang pag-aralan."

"Ako ba'ng pinag-uusapan n'yo?" sabi ni Jonna mula sa salas nang hindi lumilingon sa kanila.

"Hindi! Masyado kang sensitib," si Aling Maring.

"Akala ko'y ako'ng pinag-uusapan n'yo, e..."

Nagkatinginan sina Janno at Aling Maring at libhim na napangiti.

Hatid siya ni Jonna sa *scooter* sa bahay pagkatapos.

"Pasok ka muna," sabi ni Janno.

"Wag na. Baka isipin ni tita na kung sa'n pa 'ko naggala."

Nasa salas pala si Sonny. Lumabas nang marinig na may pumarandang motor at may kausap siya.

"Bah, 'andito pala si Miss Mize?" sabi, maluwang ang pagkakangiti. "Pasok ka muna."

Inulit ni Jonna ang pagtanggap.

"Okey, kung ayaw mo talaga," sabi ni Sonny. "Pero next time p'wede bang kami naman ni Janno ang mag-imbiba sa 'yo?"

"Saan?"

"Sa gimik."

Tinignan ni Jonna si Janno. Naghihintay sa kanyang sagot si Sonny na nakangisi pa rin.

"Bahala na," asar na sabi ni Jonna. Sumakay na sa *scooter* at mabilis na pinaarangkada paalis doon.

(ITUTULOY)



# Kanbas ng Dahas

Huwag sisihin ang pagbagsak ng bunga kahit di pa nabubulok.  
Maaaring sumobra ang alaga dito o ang malimit na pagpapausok.  
Wala ang dupok sa sanga, wala ang hina sa balakbak.

May ipinipinta ang kaligiran sa suhay ng mga puno  
Na ginawang haligi ng mga tahanan. Ang anino  
Ng mga puno'y nagsakatawan sa mga binuóng kabahayan.

At ang nakahilig na puno ng mangga, na ang ugat  
Ay bumaon na sa kinatitirikan, Ngayon ay may usbong  
na atang, Balat na babalatan; Ipanggagatong

sa lulutuing samahan - ama, ina, anak.  
Sa pagbunot ay tutumba ang haligi, sasagitsit ang ngitngit  
Na badya sa pagkakatumba. Pipigilan ng tahol, alulong

Ng alagang sagana sa pagkain. May kailangang alay,  
Kaya't tali ay papatirin. Walang dumalaga sa mga nasa pugad.  
Bagong itlog ang mga inahen. Hindi maaari

Ang katulong na kalabaw. Malayo pa ang tag-ani. Bumaon  
ang pangil ng alaga sa katawan ng punong kinatatalian. May  
Dugo ang bibig sa di pagkabunot. Hawak mo ang pamalo.

Pumito ka ng maikatlo, dahil ang sabi ay ihahatid nito  
Ang alaga sa langit. Kinabukasan ay hinanap ng anak ang alaga.  
Parang kapatid na turing kaya ikaw ay nagsinungaling.

Hindi mo naitago ang kulay dugo sa sangi ng mga kuko. Parehas  
Ngayon ang kulay nito sa mukha ng anak. Ilang araw nilagnat.  
Magkasing-init: ang tapat na araw, ang nalabusaw na tubig-ilog.

ang inanod na bangkay. Ang sabi ng albolaryo - ibalik ang aso.  
Umatungal ang ina. Alulong sa tanghaling tapat.  
Tumitig sa bana at ipininta ang pare-parehong mukha

Ng mga taksil, kriminal, salarin, berdugo.

- FRANCISCO A. MONTESEÑA

